

Sámi Sostera proševttas háliidit oahpadit boazodolliide lihkadandoaimmaid

Proševtta vuodđoulbmilin lea doarjut sápmelaš boazodoallit sosiálalaš buresveadjima. Okta vuohki lea leamaš oahpásnuhttit badjeolbmuid odđáiggi lihkadanvugiide ja -neavvuide, mitala prošektabargi Saara Ketola.



Govva: Sámi Soster

Sámi Sostera proševttas háliidit oahpadit boazodolliide lihkadandoaimmaid. Buorre boahhteáigi – Boazosápmelaččaid buresveadjima ja oassálastima ovddideapmi lea namman Sámi Sostera proševttas, man vuodđoulbmilin lea doarjut sápmelaš boazodoallit sosiálalaš buresveadjima.

Oktan bargovuohkin lea leamaš proševttas ordnet buresveadjinbargobájiid sápmelaš boazodolliide ja sin bearrašiidda. Bargobájiin áššedovdit addet dieđu movt eallit dearvvasin, muhto oahpahuvvo maid konkrehtalaččat buresveadjima áitagiid ja ohcat daidda ovtta čovdosiid.

Okta vuohki lea leamaš oahpásnuhttit badjeolbmuid odđáiggi lihkadanvugiide ja -neavvuide.

Proševttas bargá Saara Ketola. Son lea proševtta olis doallan čakčat lihkadandiimmuid ovtta jovkui Gárasavvonis ja nuppi jovkui Heahtás. Dán giđa áigge boazodolliid oahpásmahttin valáštallamii joatkašuvvá, mitala prošektabargi Saara Ketola.

– Mis lea das jurddan, ahte ođđajagimánus joatkit ahte mánuš guovtte geardde mii mannat ovttaš lihkadeame. Veháš oahpásmahttit movt lihkadandoaibma lea ja makkár livččii vaikko jus livččii mielde gieldda Revontuliopistos mielde.

– Oahpahallat makkár obá lea dat joavkodoaibaman ja movt lihkadit.

Ketola mielas lea dehálaš, ahte almmolaš fáldaga lassin lea maid sierra fáldat unnit joavkkus juste badjeolbmuid ja sin bearrasiidda.

– Go mis lea unnit joavku nu kánske das lea álkit álgit, oahppat ja hárvánit lihkadandoaimmaide. Iige dat oro nu issoras, son loahpaha.

Eambo dieđuid proševttas ja dan doaimmain gávdno proševtta neahttasiidduin.